



I. ATALA

BIZKAIKO LURRALDE HISTORIKOKO FORU ADMINISTRAZIOA

Bizkaiko Foru Aldundia

Euskara, Kultura eta Kirol Saila

Bizkaiko Foru Aldundiaren 125/2023 FORU DEKRETUA, abuztuaren 23koa, 2024an Bizkaiko etorkizun handiko kirolariak identifikatzeko eta kirolari horiei laguntza emateko arautegia ezartzen duena.

Euskara, Kultura eta Kiroleko Sailak bere helburuen artean dauka beren kirol ibilbideagatik edo kirol emaitzengatik, eta lehiaketetan goi-maila lortu ez arren, horretarako gaitasuna erakusten duten kirolariak identifikatu eta laguntzea.

Foru dekretu honen helburua da irizpideak ezartzea Bizkaiko etorkizun handiko kirolariak identifikatzeko eta kirolari horiei zerbitzu mediko, tekniko eta formakuntzakoak ezartzeko, «kirolerako talentu»tzat identifikatu orduko pausu modura.

Dekretu honen xedea da goi-mailako kirola egiteko aukera duten kirolariei antzema-eta eta laguntzea; horregatik, onuradun izan daitezkeen adinak zehazten dira, behe-ragoko adinak eskola-kategoriei dagozkielako eta adin handiagoko kirolariek proiektzioa izateko beharrezko lorpenak lortu behar zituztelako.

Proposatutako xedapen orokorraren gaiari dagokion eskumena Bizkaiko Foru Aldundiarena da, Autonomia Erkidegoko Erakunde Erkideen eta bertako Lurralde Historikoetako Foru Organoen arteko harremanei buruzko azaroaren 25eko 27/1983 Legearen 7.b).6 artikulua araberara. Beronen araberara, lurralde historikoei dagokie erakunde erkideek kirolaren sustapenaren arloan emandako arauak garatu eta betearazteko eskumena.

Euskadiko jarduera fisikoaren eta kirolaren martxoaren 30eko 2/2023 Legeak, bere 2.3 artikuluan dio aginte publikoek, beren eskumen-esparruaren barruan, kirola egiteko eskubidea benetan gauzatzeko politika bat ezarriko dutela, eta horretarako burutuko duten kirol politikak printzipio hauek izango dituela oinarrian, besteak beste: goi-mailako kirola antolatzea eta sustatzea kirol federazioen parte-hartzearekin.

Euskadiko Jarduera Fisikoaren eta Kirolaren lege horren 4.f) artikulua ezartzen du lurralde historikoetako foru organoei dagokiela goi-mailako kirola iristeko aukerak dituzten etorkizun handiko kirolariei laguntza teknikoa eta ekonomikoa ematea. Lege horrek, 95.2 artikuluan, honela definitzen ditu etorkizun handiko kirolariak: Autonomia Erkidegoko Administrazio orokorrean kirol-arloko eskumena duten sailak onartutako goi-mailako kirolarien zerrendan egon gabe ere, maila horretara iristeko oinarri-espertatibak dituzten kirolariak.

Bizkaiko Foru Aldundiaren abenduaren 29ko 131/2020 Foru Dekretuaren bidez onestitako Euskara, Kultura eta Kirol Sailaren egitura organikoari buruzko araudiak dio sailari dagokiola laguntza ematea kirolerako gaitasun nabarmena agertzen duten kirolariei.

Araudi hau izapidetzean, erregulazio onaren printzipioen araberara jarduten da, Bizkaiko Foru Aldundian xedapen orokorrak egiteko prozedura erregulatzen duen ekainaren 15eko 87/2021 Foru Dekretuaren 3. artikuluan eta Administrazio Publikoen Administrazio Prozedura Erkidearen 2015eko urriaren 1eko 39/2015 Legearen 129. artikulua (printzipio horiek, oro har, lantzen ditu). Azkenik, maiatzaren 28ko 63/2019 Foru Dekretua betetzen da, zeinaren bidez ezartzen baitira Bizkaiko Foru Aldundiaren jardun-eremuan hizkuntza ofizialak erabiltzeko irizpideak.

Bestalde, aurrerapen ekonomikoa eta soziala lortzeko, Bizkaiko Foru Aldundiak ezinbestekotzat jotzen du emakume eta gizonen benetako berdintasuna lortzeko aurrerapausoak ematea, eta, bide horretan, hainbat urte daramatza berdintasunaren arloan lanean. Ildo horretan, foru dekretu honek genero-ikuspegia jasotzen du, bai berau prestatzeko orduan bai beronen aplikazioan, kontuan hartuta zer adierazten den Emakumeen eta gizonen berdintasuna lortzeko eta emakumeen kontrako indarkeria matxistatik gabe bizitzeko Legearen testu bategina onartzen duen martxoaren 16ko 1/2023 Legegintzako



Dekretuan eta Emakumeen eta Gizonen berdintasunerako ekainaren 20ko 4/2018 Foru Arauan. Gainera, kontuan hartu da Bizkaiko Foru Aldundiaren azaroaren 19ko 141/2013 Foru Dekretuan xedatutakoa. Izan ere, foru-dekretu horren bidez, generoaren eraginaren aurretiazko ebaluazioa egiteko jarraibideak ezartzen dira.

Azkenik, adierazi behar da, Bizkaiko Foru Aldundiaren ekainaren 15eko 87/2021 Foru Dekretuan ezarritakoarekin bat, dekretu hau prestatzean txosten hauek eman direla:

1. Genero-inpaktuaren aurretiazko ebaluazioa.
2. Euskara, Kultura eta Kirol sailaren txosten juridikoa.
3. Generoaren eraginaren aurretiazko ebaluazioari buruzko txostena.
4. Kontrol ekonomikoari buruzko txostena.
5. Legezketasunari buruzko txostena.

Bizkaiko Lurralde Historikoko Foru Erakundeen Hautapen, Antolaketa, Araubide eta Jardunbideari buruzko 1987ko otsailaren 13ko 3/1987 Foru Arauaren 39.k) artikulua ezartzen du foru diputatuen eskumena dela, besteak beste, Foru Aldundiari proposamenak aurkeztea haien sailtako gaiei buruzko foru dekretuen proiektuak onar ditzan. Era berean, abenduaren 29ko 131/2020 Foru Dekretuaren bidez onartutako Euskara, Kultura eta Kirol Sailaren Egitura Organikoaren Erregelamenduak Euskara, Kultura eta Kirol Saileko foru diputatuari esleitzen dizkio dagozkion ahalmenak.

Hori dela bide, Euskara, Kultura eta Kirol Saileko foru diputatuaren ekimenez, eta aurrez Bizkaiko Foru Aldundiak azterturik, honako hau

XEDATZEN DUT:

Artikulu Bakarra.— ***2024an Bizkaiko etorkizun handiko kirolariak identifikatzeko eta kirolari horiei laguntza emateko programaren arautegia onestea***

2024an Bizkaiko etorkizun handiko kirolariak identifikatzeko eta kirolari horiei laguntza emateko programaren arautegia onesten da.

AZKEN XEDAPENAK

Azken Xedapenetako Lehenengoa.— ***Ahalmena ematea erregelamendu bidez garatzeko***

Ahalmena ematen zaio Euskara, Kultura eta Kiroleko foru diputatuari, Foru Dekretu hau garatzeko beharrezkoak diren xedapen guztiak eman ditzan.

Azken Xedapenetako Bigarrena.— ***Indarrean jartzea***

Foru Dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2023ko abuztuaren 23an.

Euskara, Kultura eta Kiroleko foru
diputatua
LEIXURI ARRIZABALAGA ARRUZA

Ahaldun Nagusia
ELIXABETE ETXANOBE LANDAJUELA

**2024AN BIZKAIKO ETORKIZUN HANDIKO KIROLARIAK IDENTIFIKATZEKO
ETA KIROLARI HORIEI LAGUNTZA EMATEKO ARAUTEGIA.****1. oinarria. — Xedea**

Foru dekretu honen xedea da 2024an Bizkaiko Etorkizun Handiko Kirolariak identifikatzeko eta kirolari horiei laguntza emateko programa arautzea.

2. oinarria. — Etorkizun Handiko Kirolariak identifikatzea

Kirolaren munduan proiektzioa duten Bizkaiko Lurralde Historikoko kirolariak detektatzeko eta 2024 Programan sartzeko, Bizkaiko Foru Aldundiak kirol-merezimenduen ebaluazioa egingo du, eskatzaileek emandako dokumentazioaren eta datuen arabera, eta bi kirolari-kategoriaren zerranda osatuko du, merezimendu horien arabera: Etorkizun Handiko Kirolariak eta Etorkizun Handiko Kirolaritzat jotzeko hautagaiak.

3. oinarria. — Baldintzak

1. Bizkaiko Foru Aldundiak 2024ko Etorkizun Handiko Kirolari izaera edo Etorkizun Handiko Kirolaritzat jotzeko hautagai izaera aitortzea nahi duten kirolariek baldintza hauek bete beharko dituzte:

- 2023rako kasuan kasuko Bizkaiko federazioaren bitartez lizentzia izapidetuta izatea.
2000. eta 2008. urteen artean (biak barne) jaiok izatea.

2008. urteaz geroztik jaiotako kirolarien kasuan, proba olinpikoetan lehiatzen diren kirolariek baino ezin izango dute promesa-aitorpena jaso, betiere merezimenduak goragoko kategoria batean (kadetea, juniorra edo seniorra) lortzen badituzte. Horrez gain, eskabideak aurkezteko epearen barruan, dagokion federazioaren txostena aurkeztu beharko du kirolariak, bertan parte hartu izana justifikatzeko.

Federazio txosten hori ez da loteslea izango. Kirol Zerbitzuak proposatu dezake txostena aurkeztu duten kirolariak ez sartzeko, beti ere zergatia arrazoitzen badu.

2. 2022ko urriaren 1etik 2023ko irailaren 30era (egun biak barne), gutxienez 5. oinarrian datorren kirol merezimenduren bat lortu duten kirolarien eskabideak baino ez dira aztertuko.

4. oinarria. — Dokumentazioa eta epeak

1. Bizkaiko Foru Aldundiak 2024ko Etorkizun Handiko Kirolari izaera aitortzeko aurrez aurreko eskabideak eredu ofizialean (EK1 inprimakia) aurkeztu behar dira, behar bezala beteta. Eredua web-orri honetan eskura daiteke: <http://www.bizkaia.eus/kulturadirulaguntzak>

Bizkaiko Foru Aldundiaren egoitza elektronikoaren bidez aurkeztuz gero, Administrazio Publikoen Administrazio Prozedura Erkidearen 2015eko urriaren 1eko 39/2015 Legearen 66.6 artikuluan xedatutakoarekin bat etorrira betetzeko eta egoitzan aurkezteko dauden eredu berezien arabera eskabideak erabili beharko dira.

Kirolari adingabeen eskabideak aitak, amak edo legezko ordezkariak aurkeztuko ditu. Kirolari bakoitzeko inprimaki bakarra bete beharko da.

2. Eskabideekin batera dokumentazio hau aurkeztu beharko da:

- 2023 urteari dagokion federazio lizentziaren kopia.
- Kasuan kasuko kirol merezimenduak egiaztatzeko dokumentua, dagokion federazioaren eskabideak emana.
- Kirolaria dekretu honen 3.1.b) oinarrian ezarritako urteak baino ondoren jaiok bada: sar dadin behar bezala justifikatzen duen kasuan kasuko federazioaren txostena.
- Legezko edo borondatezko ordezkariak jardunez gero, ordezkariak zuzenbidean baliozkoa den edozein frogabide erabiliz egiaztatzea.

3. Eskabideak aurkezteko epea 2023ko urriaren 6tik 24ra bitartekoa izango da, egun bi horiek barne.

**5. oinarria. – Hautaketa-merezimenduak**

3. oinarrian ezarritako baldintzak betetzen dituzten eskatzaileekin, kirolarien kategoria biko zerrenda bat osatuko da, haien kirol-merezimenduen arabera.

- A. Etorkizun Handiko Kirolariak.
- B. Etorkizun Handiko Kirolaritzat jotzeko hautagaiak.

Hauek dira hautaketa egiteko merezimenduak:

A) Etorkizun Handiko Kirolaritzat hartzeko:

1. Nazioarteko kirol-lehiaketetan parte hartzea:

Kontuan hartuko da titulu ofiziala lehiatzen den nazioarteko lehiaketan parte hartzea, baldin eta partaidetza hori aldez aurreko sailkapenaren mende badago, betiere estatuko edo Euskadiko selekzio baten ordezkari bada.

Aurreko paragrafoan ezarritako baldintzez gain, nazioarteko kirol-lehiaketetan gutxienez 5 herrialde edo estatutako ordezkariak parte hartu beharko dute.

Euskadiren ordezkaria izanez gero, kontuan hartuko diren lehiaketak Munduko edo Europako Txapelketak izango dira.

Lehiaketak nazioarteko federazio baten, Europako federazio baten edo nazioarteko liga profesional baten egutegi ofizialean sartuta egon behar dira, eta haren modalitatea eta/edo diziplina Eusko Jaurlaritzaren modalitate eta diziplinen katalogoan aitortuta egon behar da.

Hipikaren kasuan, CSIO lehiaketak soilik hartuko dira kontuan (ez CSI).

Pilotaren kasuan, nazioarteko izaera dutela jotzen da honako hauek antolatutako lehiaketetan parte hartzea:

- a) Euskal Pilotaren Nazioarteko Federazioa (estatuko selekzioarekin parte hartzea).
- b) Eskupilotaren Nazioarteko Konfederazioa (Euskadiko selekzioarekin).
- c) World Handball Council (Euskadiko selekzioarekin parte hartzea).
- d) Munduko Pilota Batzarra (Euskadiko selekzioarekin parte hartzea).

2. Estatuko Txapelketan parte hartzea, emaitza hauetakoren bat lortuz:

- a) Lehenengo, bigarren edo hirugarren postua proba olinpikoetako banakako estatu-txapelketan.
- b) Lehenengo edo bigarren postua proba ez-olimpikoetako banakako estatu-txapelketan.

Klub edo taldeka lortutako postuak ez dira baliozkoak izango.

Ez dira kontuan hartuko txapelketari berari erantsitako sailkapenak, non barneko sailkapenak egiten diren adinaren edo jaiotze-urtearen arabera.

Gimnastika erritmikoan, lehenengo kategorian lortutako emaitzak bakarrik hartuko dira kontuan, baldin eta banaka eta/edo batera parte hartzen bada.

- c) Estatu mailako errekorra haustea.

3. Kontzentrazioetan edo Teknikifikazioetan parte hartzea, estatuko modalitatearen selekzioarekin:

Estatuko Selekzioarekiko kontzentrazio edo teknikifikaziotzat jotzen da dago-kion Espainiako federazioak egindako deialdi ofiziala, non autonomia-erki-dego ezberdinetako kirolariek parte hartzen duten. Ez dira kontuan hartuko sektore-kontzentrazioen deialdiak.

4. Euskal pilotaren modalitatean, profesionalaren aurreko kontratua izatea.

5. Banku finkoko arraun-modalitatean, beharrezkoa izango da:

- a) Estatuko txapelketan lehen postua lortu izana: batelak eta trainerillak.
- b) Liga Gorenean (Traineruak) txapelduna izatea; betiere, kirolari eskatzaileak ligako estropaden %50ean gutxienez arraun egin badu.



- B) Etorkizun Handiko Kirolaritzat Hartzeko Hautagaitzat hartzeko:
- Nazioarteko lehiaketan parte hartzea, dagokion nazioarteko federazioaren egutegian sartuta dagoena eta Etorkizun handikoen merezimenduetan jasotzen ez dena.
 - Estatuko modalitateko selekzioarekin kontzentrazioetan edo teknifikazioetan parte hartzea, baldin eta Etorkizun Handikoen merezimenduetan jasotzen ez bada.
 - Bere adinari edo goragokoari dagokion estatuko maila goreneko lehiaketa erregularrean parte hartzen duen talde bateko kide izatea.
 - Banku finkoko arrau modalitatean:
 - Traineruak*: Estatuko txapelketan lehen, bigarren edo hirugarren postua lortzea edo maila goreneko Ligan parte hartu izana, betiere ligako estropaden %50ean arrau egin bada.
 - Batelak eta trainerillak*: Estatuko txapelketan bigarren edo hirugarren postua lortzea.

2024an Etorkizun Handiko Kirolarien, Holakotzat Jotzeko Hautagaien eta izendapen hori jaso ez duten kirolarien zerrenda, Euskara, Kultura eta Kirol Saileko foru diputatuari proposatuko zaio Kirol Zerbitzuaren txosten bidez, behin betiko ebazpena eman dezan.

6. oinarria. — Aholkularitza

Euskara, Kultura eta Kirol Saileko Kirol Zerbitzuak behar den laguntza tekniko edo aholkularitza eskainiko ditu foru dekretu hau dela-eta sortutako zalantza edo kontsulta guztiak argitzeko, horretarako, foru webgunea erabili ahal da:

— <http://www.bizkaia.eus/laguntzaileKirolak>

7. oinarria. — Ebazpena

- Ebazpena emateko eta jakinarazteko epea bi (2) hilabetekoa izango da, eskabi-deak aurkezteko epea amaitzen denetik aurrera zenbatuta.
- Ebazpena Euskara, Kultura eta Kirol Saileko foru diputatuak emango du, Bizkaiko Foru Aldundiko Kirol Zerbitzuak txostena egin ondoren. Oinarri honen 1. puntuaren ezarritako bi (2) hilabeteko epea igarota berariazko ebazpenik eta jakinarazpenik ez badago, ezetsizat joko da, gerora esanbidez ebazteari kalterik egin gabe.
- Ebazpenaren foru agindua eskabidea aurkeztu duten interesdunei jakinaraziko zaie Bizkaiko Aldizkari Ofizialean argitaratuz. Posta ziurtatu bidez ere komunikatuko zaie eta, hala dagokionean, egoitzan agertzeko sistemaren bidez.

Jakinazpen horretan berariaz azalduko da foru agindu horrek administrazio bidea amaitzen duela eta haren aurka berraztertze-errekurtsoa aurkeztu ahal izango dela Bizkaiko Foru Aldundiko Euskara, Kultura eta Kirol Saileko foru diputatuari zuzenduta, foru agindua jakinarazi eta hurrengo egunetik hilabete bat (1) igaro baino lehen, edo Administrazioarekiko auzi-errekurtsoa aurkez daitekeela, era berean zenbatutako bi (2) hilabete igaro baino lehen.

8. oinarria. — Denbora-eremua

Kirolari izaera edozein kategoriatan aitortu ondoren, izendapenak 2024ko urtarrilaren 1etik aurrera izango ditu ondorioak, eta 2024ko abenduaren 31ra arte iraungo du.

9. oinarria. — Aitorpenaren onurak

Bizkaiko Foru Aldundiaren aitortzea jaso duten kirolariek programa batean sartuko dira eta, ondoren aipatuko diren onurak izango dituzte, beren kategoriaren arabera:

- A) Etorkizun Handiko Kirolaria:
- Zerbitzu medikua:
 - Esfortzu proba.
 - Ekografia kardiakoa.



- c) Analitika.
 - d) Orientazio dietetiko.
 - 2. Kirol zerbitzu tekniko: kirolariei sostengua emanez Programako Kirol Teknikari baten bidez, bere Kirol Errendimendua hobetzeko.
 - 3. Prestakuntza zerbitzua:
 - a) Etengabeko prestakuntza, izaera praktikokoa, hileroko prestakuntza-tailerren bidez.
 - b) Aholkularitza akademikoa kasuan kasuko prestakuntza alorrean eta goi mailako ikasketetarako sarbidea.
 - 4. Kanpo-zerbitzuak:
 - a) Test genetikoen zerbitzua.
 - b) Psikologia zerbitzua.
- B) Etorkizun Handiko Kirolaritzat Jotzeko Hautagaiak:
- 1. Prestakuntza zerbitzua:
 - a) Etengabeko prestakuntza, izaera praktikokoa, hileroko prestakuntza-tailerren bidez.
 - b) Aholkularitza akademikoa kasuan kasuko prestakuntza alorrean eta goi mailako ikasketetarako sarbidea.
 - 2. Kanpo-zerbitzuak:
 - a) Test genetikoen zerbitzua.
 - b) Psikologia zerbitzua.

Onuren denborazko iraupena 2024ko abenduaren 31ra arte izango da, luzapena egon litekeelarik hurrengo deialdiaren arabera osatutako zerrenda onartu arte.

Etorkizun Handiko Kirolaritzat jotzearen aitortpena edo holakotzat jotzeko hautagaien aitortpena galduko du onuradunak emateko ontzat hartu ziren baldintzak galtzen baditu. Kasua heldu ezker, Kirol Zerbitzuko proposamena bitarte, Euskara, Kultura eta Kiroleko foru diputatuaren foru agindu baten bidez erabakiko litzateke aitortpena galtzea.

Bizkaiko Foru Aldundiak, Kirol Zerbitzuaren bidez, aipatutako onurez nor jabetu den jarraipena egingo du, sexuaren arabera bereizturiko datuak erabiliz.

10. oinarria. — Betebeharrak

Bizkaiko Foru Aldundiak Etorkizun Handiko Kirolaritzat jo dituen pertsonak edo holakotzat jotzeko hautagaiek konpromisoa hartzen dute Bizkaiko Foru Aldundiari baimena emateko beren irudia erabil dezan, aitortpena indarrean dagoen bitartean. Inolako mugarik gabe erabili ahal izango du eta kirolariak ez du izango ordainsaririk jasotzeko eskubiderik. Bizkaiko Foru Aldundiak irudi hori era egokian erabiliko duela bermatzen du.

Era berean, pertsona horiek konpromisoa hartzen dute beren datuak Eusko Jaur-laritzako dagokion organoari lagatzeko, errendimendu altuko parekatuaren ziurtagiriak eman ditzan.

Etorkizun Handiko Kirolaritzat jo dituen pertsonak edo halakotzat jotzeko hautagaiek konpromisoa hartzen dute, aitortpena indarrean dagoen bitartean, Bizkaiko Foru Aldundiak antolatzen dituen sustapen-jardueretara joateko, hala eskatzen zaienean.

Halaber, pertsona horiek 2024ko otsailaren 19ra arte (egun hori barne) aurkeztu beharko dute Etorkizun Handiko Kirolaritzat edo Holakotzat Jotzeko Hautagaitzat hartzeko aintzatetsi zaion modalitateko 2024ko federazio lizentziaren kopia Bizkaiko Foru Aldundiko Kirol Zerbitzuan.



Artikulu honetan ezarritako betebeharrak betetzen ez badira Etorkizun Handiko Kiro-lari izaera edo Holakotzat Jotzeko Hautagai izaera galdu egingo da, ondorio guztietarako, eta, zehazki, foru dekretu honen 9. oinarrian ezarritako onurak galduko dira.

11. oinarria.—*Datu pertsonalen babesa*

Aplikatu beharrekoa izango da Datu Pertsonalen Babesari eta Eskubide Digitalen Bermeari buruzko abenduaren 5eko 3/2018 Lege Organikoa, eta aurrekoetan xedatzen ez denerako edo aurrekoen ordeztatu aplikatu beharreko gainerako araudia.